

La purschida dad :adebar» cumpiglia ils suandants agids:

- Nus infurmain davart las analisas prenatalas.
- Nus gidain en il process da decisiun per u cunter in'analisa e per u cunter eventualas analisas successivas.
- Nus As accompagnain suenter che Vus avais fatg las analisas fin che Vus survegnis il resultat dal test.
- Sche Vus vegnis confruntads cun il resultat nunspetgà d'ina malsogna u d'in impediment, survegnis Vus in agid da decisiun da nossa cussegliaziun, e quai pertutgant la dumonda, sche Vus duajas purtar or l'uffant u laschar interromper la gravidanza.
- Da tge gener che la decisiun er saja, nus purschain in'ulteriura cussegliaziun ed in ulteriur accompagnament ed infurmain davart las differentas purschidas d'agid e da sustegn.

Cun nossa persuna dal fatg pudais Vus ponderar en tutta calma ed en in rom protegì, quant enavant che Vus vulais ir, tge che Vus essas pronta da far e tge betg e tgi che As po gidar.

Discurs che cuntegnan er las temas, ils sentiments e las valurs dal pèr pon gidar a trair l'atgna decisiun. Las ponderaziuns e las decisiuns davart la diagnostica prenatale dumondan temp.

Nus essan obligads a discreziun ed As cussegliaim gratuitamain.

Quest servetsch d'ina infurmaziun e cussegliaziun independenta vegn finanzià dals singuls chantuns. Tenor l'art. 17 da la lescha federala davart las analisas geneticas tar l'uman (CS 810.12) èn ils chantuns obligads da metter a disposiziun questas cussegliaziuns en ina furma independenta e gratuita. Il chantun Grischun ha surdà questa incumbensa ad :adebar».

Gravidanza Infurmaziun e cus- segliaziun en connex cun dumondas davart las analisas prenatalas (diagnostica prenatale)

:adebar»

**Post grischun
da cussegliaziun
per planisaziun
da famiglia,
sexualità,
gravidanza e
partenadi**

Sennensteinstrasse 5 · 7000 Cuir
telefon 081 250 34 38
fax 081 250 34 39

E-mail: beratung@adebar-gr.ch
www.adebar-gr.ch

Vegn l'uffant ad esser saun?

Mintga dunna, mintga pèr giavischa da pudair giudair il temp particular da la gravidanza, da pudair sa smirvegliar e sa legrar da beneventar l'agen uffant. Quai cumpiglia er il giavisch da survegnir in uffant saun. Schebain che 96% da tut ils uffants arrivon sauns sin il mund, na cuntogna la gravidanza en blers cas betg mo in plaschair, mabain er ina malsegirezza ed in quità per l'uffant.

En il rom da la tgira prenatale As porscha Vossa media u Voss medi ina retscha d'analisi per che Vus possias suandar il svilup da l'embrio e per che Vus possias renconuscher ad uras eventuals disturbis ed eventualas defurmaziuns tar l'uffant anc betg naschì. «Diagnostica prenatale» è il term tecnic per questas analisas. Er las analisas ad ultrasun che vegnan fatgas da rutina tutgan tar questa diagnostica. Vus As giavischais in bun accompagnament medicinal durant la gravidanza, per Vus èsi cler che Vus faschais diever da tut las purschidas che Vus survegnis. Dentant n'èn er ils megliers tests medicinal betg ina garanzia che l'uffant vegnia per propi ad esser saun.

Analisa – gea u na?

Intginas dunnas èn cuntentas da pudair far tut las analisas che vegnan purschidas, perquai ch'ellas sa sentan pli segiras ed èn pli quietas, sch'il resultat è stà insignificant. Ad autras dunnas ed ad auters pèrs para la purschida pesanta, perquai ch'ella pretenda ch'ellas u ch'els prendian decisiuns, las qualas ellas u els na pon u na vulan betg prender. Ils resultats n'èn betg adina evidents, mabain pon savens mo inditgar eventuals problems da sanadad e quai po avair per consequenza ch'i ston vegnir fatgas analisas successivas. Quai po esser la chaschun ch'ina part da la gravidanza na po betg pli vegnir passentada en calma e senza quitads.

Igl è impurtant da sa dumandar avant in'analisa prenatale, tge motivs che pledan per u cunter l'analisa. Da quai fai er part sclerir, tge consequenzas ch'in resultat significant avess. Vegniss insumma en dumonda ina interrupziun da la gravidanza? Sco futurs geniturs avais Vus il dretg da decider per u cunter in'analisa prenatale. Vus avais il dretg da savair, dentant er il dretg da betg vulair savair, sch'i manca insatge a Voss uffant.

Prendai temp per Vossas decisiuns. Dumandai infurmaziuns, acceptai agid.

Dumondas che pon occupar Vus:

- Vi jau / vulain nus laschar far analisas prenatalas? Sche gea, tgeninas? Sche na, nua chat jau / chattain nus sustegn per mia / per nossa posiziun?
- Quant gronda è l'expressivitat da las differentas metodos? Tge ristgas èn colliadas cun quai?
- Tge signifitgass per mai / per nus in resultat signifitgant e tge decisiuns stuess jau / stuessan nus alura prender?
- Co support jau / supportain nus il temp che nus stuain spetgar fin ch'il resultat è qua, tge pudess gidar?
- Ma poss jau / ans pudain nus imaginar da viver cun in uffant impedi? Sche gea, tge signifitgass quai?
- Co dumogn jau / dumagnain nus ina interrupziun da la gravidanza u ina spersa?
- Tge consequenzas pudess quai avair per noss partenadi?
- Tge pussaivladads da sustegn datti?

Cun questas dumondas na stuais Vus e Voss partenari betg restar sulets. Per cumplettar l'assistenza medicinala da Vossa media u da Voss medi As porscha :adebar» ina cussegliaziun psicosociala independenta.

:adebar»